

豫章叢書

第一三五冊

豫

章

焚

書

第二五冊

清
稿
正
存

丁卯冬月
于幸冒禔廬

欽定四庫全書總目卷一百六十三 集部 別集類

清正存稿六卷附錄一卷

浙江鮑士恭家藏本

宋徐鹿卿撰鹿卿字德夫號泉谷豐城人嘉定

十六年進士官至禮部侍郎以華文閣待制致

仕卒諡清正事蹟具宋史本傳其所著有泉谷

文集奏議講議鹽楮議政稟歷官對越集諸書

今俱散佚此本乃明萬厯中其十二世孫鑑巡

按福建於家乘中蒐輯刊行者也鹿卿博通經

史居官廉約清峻多惠政凡所建白皆忠惓激

發不少隱諱今觀是集如都城火則上封事言

惑嬖寵溺燕私用小人三事遷國子監主簿入
對則陳浚凡陋昭勸懲等六事爲太府少卿入
對則言定國本正紀綱立規模諸事大抵真摯
懇切深中當時積弊劉克莊以董子之醇賈生
之通許之雖標榜之詞不無稍過要其純忠亮
節無愧古人固非矯激以取名者所得而比擬
矣

宋樞密使豐城男徐泉谷公文集序

按宋史理宗朝吾家蓋有兩名卿云一爲泉谷公鹿卿以樞密使封豐城男一爲矩山公經孫以學士封豐城伯二公當宋祚垂亡之秋適權奸柄國之際均不得有爲于時然矩山公乃理宗末季或勸于勤故不得盡其言而泉谷公正當其壯年勵精之日其言猶得以自盡登嘗從家乘中見公年譜蓋自嘉定登第以後諸凡所關職守與國家大計無事而不言無言而不盡其最著者若䟽都城災而歸咎積陰之極刺其君之惑寵嬖溺燕安觸犯忌諱旣言人之所不

敢言其幹辦閩事也時山寇日熾所與當事往還書
論動中機宜以書生而談軍旅之事又言人之所不
能言至積強之虜積輕之楮二者當時急務而人概
諉之無可爲公獨奏之未已又白之廟堂必欲起衰
拯弊于萬一又言人之所不及言乃輪對二劄言尤
激切至謂以越王勾踐之規模用今日東南之天下
庶乎其可使人主竦然動色則人之所不可言者而
亦言之其忠悃何篤摯也公之疏札固不止此而此
其大者當時不免見忌至累乞祠而獨西山真先生
與之契合其舉備獻納也則曰學術精深節操方正

其辟知南安也則曰才識不羣強毅有立至謂求以
答民望而寬時憂則示以吾黨道同志合之意語云
道不同不相爲謀同聲相應同氣相求公于西山儻
非其道之相爲謀而何聲應氣求之若是哉蓋公之
從事于學也壯年嘗立青雲社約友朋輔仁于會文
之外及仕而教授南安訓諸弟子由濂洛以遡洙泗
之源故公之立朝寧與逐客俱退而不與諂子同進
其守制寧違審察之旨而不肯冒起復之名此其平
日之所得于學問者深故其所契合于西山必有出
于言語行事之上者在也世多訾儒者迂腐不適于

用以公之儒而其言鑿鑿可用若此劉克莊稱其有
董子之醇賈生之通信不誣矣嘗讀西山大學衍義
見儒者經世之實用則其所取于公者豈徒迂腐云
爾哉此公文字之可傳非區區子弟之私蓋于儒先
之言信之也

時觀叔以按閩過家命錄出年譜中諸疏札將與矩
山公集竝刻以傳夫泉谷公欲爲于猶可爲之日故
其言詳矩山公欲爲于不可爲之時故其言畧此前
人一時之雙美也其並傳也固宜登忝遠裔竊願蠅
附故述梗概以引其端云

賜進士出身嘉議大夫河南按察使前奉勅提督福
建學校副使禮部儀制司郎中十三世孫卽登拜手
謹撰

徐清正公有雅序

朱宗伯徐清正公存稿序

言以載道曰文故六經四子之文燦如日星雖垂訓
不同其軌諸道術則較若畫一自道術支漓文章茅
靡脩辭之家沿時代以遞變率矜蟲鬲鶴詹詹然徒
繡其顰悅此編簡汗牛總於大道無當也迨有宋濂
洛諸儒蔚起始慨然以賢聖統緒爲己任每借語言
文字以闡明理奧而余遠祖清正公亦嘗有功於紹
繹初舉嘉定進士出調南安軍卽申周程之教於學
宮尋改閩安撫時真西山氏並官閩土益相與切劘
共匡名教嗣後蹂歷中外復與劉馮諸賢侃侃砥柱

末造凡屬政竄時難輒據忠愛論列今讀其奏牘尙
凜凜有生氣至它所譏結亦鑿鑿訐謏求當千秋著
蔡毋取雕績爲工間叶諸聲歌尤洋洋正始有裨風
雅匪徒拊瓦缶爲鏗鐻大都於六經四子中咀其精
華而已迺說者謂非品格如公固不能有斯文蓋言
爲心聲自昔如長卿文靡子雲文僻靈運文傲明遠
文激嘗以心術未醇隨寫諸文爲詬病繫公生平本
末紀諸宋史實粹然全瑜則立言大業自是躋濂洛
之奧而登闕里之堂彼區區長卿數子惡足傍其籬
廡也耶公所著作史載亦詳惜多散逸卽在閩時有

請雨一記勒在鼓山石壁者遒勁傑構非藉劣勦之
峰靈夙爲擁護此篇幾蝕於榛莽迺知名山之藏諸
類此者可勝收哉茲從家乘中搜其僅存餘藩彙次
六卷久欲懸諸國門未暇也適觀風入閩見閩人猶
戶祝公不衰爰屬有司讐校授梓更以垂示永永公
諱鹿卿字德夫當時尊爲泉谷先生在閩事已載郡
志茲不贅

皇朝萬厯甲寅春王正月賜進士出身巡按福建監
察御史十二世孫鑒拜手謹譔

徐清正公有稿序

二

宋宗伯徐清正公存稿目錄

第一卷

奏劄

四年丁酉六月翰對第一劄

第二劄

都城災應詔上封事

五月視朝轉對劄子

奏乞科撥糴本賑濟饑民

壬子聚講癸丑論政府制國用并乞釐正檢

正官名劄